

六經堂

遺事

四明張氏約園開雕

六封堂

序

有明之季吾鄉世家子弟起義不成以身殉國者若鏡

川楊氏

推官文琦兄弟四忠雙烈

西湖陸氏

按察副使宇燦

砌街李氏

禮部主事

楊

西城董氏

監軍總欽

芍藥社錢氏

大學士肅樂兄弟四忠

江北屠氏

職方主事獻宸

難僂指數壽鏞訪其遺書或存或亡歎當時文

網之密實足見其子孫之賢否也屠君用錫輯其八世

族祖天生大理詩及傳記爲一卷以其所居別署題之

曰六經堂遺事來請序乃述之曰大理原名懿忠更名

獻宸爲太保襄惠公瀟六世族孫少保簡肅公僑從玄

六經堂遺事序

一四明叢書約圖刊本

孫兵部侍郎大山爲其曾祖辰州知府本峻爲其王父
寧州同知惟霖其父也幼有大志出陳忠貞公良謨之
門甲申之變結集縉社一時巨室子弟皆預焉江南又
亡乃西探行省消息道出姚江則孫嘉績熊汝霖已起
兵杖策謁軍門畱參其軍錢忠介公肅樂會師江上忠
介執其手曰君可謂先平陰之役而鳴者也大理募義
從爲營軍於瓜瀝授車駕主事江上師潰角巾歸里初
慈谿馮尚書元颺兄弟門下多奇士參豫北將諸幕大
理欲因其力有所圖時海道中營游擊將軍陳天寵仲

謨者北人也奪大理所居之半居之馮氏客因說焉二將軍者願自效詣密室遂定盟於是華過宜夏頻乞師於翁洲內外合約以復浙東事泄大理與過宜皆被執戊子五月二日死於鄞之譙樓下監國贈大理寺丞大理在獄語董若思德欽曰過宜不用僖負羈之言以至此也若思最與過宜厚亦咎過宜雖異詞以謝不能無拂於中全謝山謂讀過宜對簿錄見楚石之壯而不諒天生若思之心長逝者之屈其有窮乎夫見義則爲何計利害害既至矣復何所諉其所謂念錯求生致家焚室

本經堂遺事序

一四明叢書
約圖刊本

慘者惜之之詞也所謂力卸嫁罪非復平時激昂者欲圖養以有爲也非謂之也大理獄中詩曰血痕甘化碧寧復畏災屯嗚呼求仁而得仁有何怨乎壽鏞刻過宜言成適用錫亦攜冊來爰書其家世事蹟而論述之如此以見吾鄉世家忠義之盛而用錫數典不忘其祖實超乎尋常也民國二十三年一月後學張壽鏞序

明兵部主政天生公遺像



六經堂遺像

一四明叢書
一約閣刊本

敬題遺像

從孫繼序

生負讀書養氣優一心夢寐為神州祖生擊楫中流誓
翟義捐軀夙願酬奕世華簪難報國盟天白馬不回頭
丹青似解忠良意寫出鬚眉滿肚愁


同時殉義有華 夏文璜泣血椎心各慨慷生慕包胥能

復楚死留精衛欲填滄離鴻哀調酸難讀 配朱宜人 有絕命詞紫

燕輕衫暗自傷 公臨難時脫所服海青 贈余高祖云以此酬汝東浙山川多烈

士芳名海闊與天長

墓圖



兩浙防護錄明兵部職方主事屠獻宸墓獻宸鄞縣人與楊文瓚同死妻朱氏殉之國朝乾隆四十一年賜諡烈愍在縣北一里陶家河之南用錫案公墓與少司馬竹墟公墓同入防護錄卽在竹墟公墓之後族人公葬之其地卽莊基也民國九年春滬杭甬鐵路謀擴軌道少司馬及公墓均被劃入族人大譁推用錫及芝泉友杏時遜倬雲爲請求代表時用錫方旅燕先慈張太夫人以忠魂烈骨之所繫郵命力爭因徧謁旅燕同鄉由李贊侯思浩張詠霓壽鏞協力請求交通部並電旅滬同鄉會張讓三美翊同爲陳說更由諸宗老請於省路局及地方長官始得依據保存古蹟條例蒙部檄令鐵路局繞避於是少司馬及公墓永獲保存更修祀事爰繪墓圖俾有攷焉

屠董二君子合狀

全祖望

嗚呼古今殉國之士至於唐睢陽之六忠烈矣然觀張公所以詔南八者惟恐同事諸君之死之不決而許公死于偃師稍晚遂起張公之疑向非後死者力爲表之將竟不免於議論矣惟段公倒用大司農印如岐如劉如何各不相引而卒之各相報以死偉哉殘明吾鄉戊子之難過宜華公爲之魁顧華公所紀對簿錄頗若不滿於屠董二君子而獨推楚石楊公之慷慨予詳考之華楊之抗詞不屈良不愧張公而屠董之心亦未嘗有媿於許公特其形迹之間有須暴白者遂不得比於段岐一輩爲可惜也予旣爲華公夫婦合狀又爲楊公兄弟娣姒合狀偶緝對簿錄懼屠董大節之有晦也乃更作二君子合狀世有韓退之或採予文以當于嵩之考證未可知也

六經堂遺事狀

一四明叢書
續編

駕部屠公獻宸字天生鄞人兵部侍郎大山之曾孫推官董公德欽字若思鄞人兵部侍郎光宏之孫一家並以甲第雄於甬上稱世臣天生與若思皆負高才講氣節江南之亡也若思納衣巾於文廟慟哭時鄞之義師

尙未動天生西向蕭山探行省消息聞潞王降而歸道
出姚江則孫熊二公已舉兵天生杖策謁軍門二公奇
之留參其軍事次日過宜華公等亦興若思擁錢忠介
公起兵于鄞會師江上忠介執天生手慰勞之曰君可
謂先平陰之役而鳴者也天生募義從爲小營軍于瓜
瀝之龍王堂前尋授車駕主事若思亦以招軍輸餉功
在六狂生之亞授監紀推官不受已而江上事壞竝角
巾歸里先是故尙書慈水馮公鄰佃兄弟門下多奇士
至是多在大帥幕中天生欲因其力以有所圖客頗許

之天生之居故侍郎第也北來諸將奪其半以爲署有
海道中營遊擊將軍陳天寵仲謨者北人也馮氏諸客
瞰知其有異微說之二人乃請詣天生密室屏左右言
曰吾二人故史閣部麾下也當江都失守閣部垂死遺
言屬我輩必無負明室吾二人敢忘之哉將有所待而
爲之以報閣部也吾觀公非凡人且一切來往蹤跡吾
亦稍覺之公若弗疑願效死力天生聞之大喜天寵等
卽從衣領中出史閣部牒示之曰儻城下有警吾縛備
兵使者以予公矣於是過宜頻乞師於翁洲內外合約

以復浙東用小牢祖史閣部於天生家陳仲二將軍預其盟會過宜以慈水大俠牽連被逮入獄若思與王評事石雁悉力營救出之已而翁洲許過宜以師期遂欲合諸道之師大舉而天生以二將軍之師爲內應若思曰諸軍旣入城吾請任其餉乃盡斥賣其家貲以待先期而夫己氏告變諸道兵皆爲大軍所截不得進祇翁洲師次城下陳仲二將軍秣馬猶思應之海道孫某登俾以望駭曰敵兵翹首望城上而不發矢望內應也卽調城守營兵分鎮諸門居民敢有出衢巷瞻眺者卽擊

水經遺事

三

四朝叢書

殺之陳仲二將軍不敢發翁洲知有備次日遽去而城中亦莫敢有追之者懼內變也天生與若思走天台初五君子之聚謀也過宜忼爽而疏天生與若思皆戒之曰同里中有外託氣節之名內實陰賊不可信者宜防之過宜不甚用其言至是洩之夫己氏者果其人也海道遣人大索追及天生等于天台執之過宜之入獄也已獨承其事謂天生等皆不與謀及大訊甬之諸義士聚議亦以過宜爲戎首必不得活而天生等皆尙可免况過宜旣獨承則天生等不妨養身有爲乃私爲之行

賂於直指而密以書告天生等令弗爲過激之語天生
與若思諾之獨楚石楊公不可於是直指坐華楊以死
亦欲免屠董而爲犬己氏所持不克天生坐獄中謂若
思曰過宜不用僖負羈之言以至此也若思最與過宜
厚至是亦頗咎之過宜雖異詞以謝而不能無拂於中
故述二君子對簿之語稍稍以畏死謂之於是高公宇
泰遣人謂過宜曰過宜極欲同志得全卒成王事今何
其不廣乎過宜謝之嗚呼天生若思不過明經茂材耳
非有析圭裂土之寵於前代必當濡首沒趾以相報于

本經遺事

四四明叢書
續編刊本

隸原者也可以不爲而爲之則其拌一死亦可知矣其
時之不欲遽死者不過欲圖後效以萬一得當上以爲
故國下卽以慰死友非貪生也今但取過宜對簿錄中
語誠足見楚石之壯而不諒天生若思之心長逝者之
屈其有窮乎予詳過宜前後之言而暴白之亦猶李翰
之例也天生等旣不得免卒與過宜同日死臨刑過宜
欣然謂曰吾與二兄當共成長虹矣而陳仲二將軍周
旋天生于難中甚力論者賢之監國還軍翁洲贈天生
大理寺丞若思兵部郎中天生夫人朱氏賢而文其姥

恐其殉也守之夫人好言如平日而潛賦絕命詞伺姥
之歸自經以從

六經堂遺事

五
四明叢書
約圖刊本

孝子振趾公傳

公諱孝麟字振趾天生公子也隨天生公在姚江死於兵語詳全謝山庶常書舊續集董小純春雨樓集中云案翻城之役事洩烈愍公與華楊同殉可謂死忠配朱宜人賦絕命詞從容自盡可謂死節鎮撫公從戎歸杜門謝客功愍以卒可謂死義振趾公同父赴難兵潰亡身可謂死孝忠孝節義萃於一家何其盛也然而悲矣

梟園云
譜稿

用錫案見聞錄十三世叔祖孝來字兆熊今依譜更正

本經堂遺事 附傳

一 四明叢書
續編刊本

又案全謝山耆舊續集云一子死於兵董小純春雨樓集云五君子者華楊屠三公有妻楊公有父有弟董公有母屠公有子

六經堂遺事目錄

遺象

墓圖

附誌

屠董二君子合狀

傳略

遺詩

遺聞

贈詩

先世古蹟

六經堂遺事目錄

一
國朝叢書
續編刊本

祭祀

附錄

世系

六經堂遺事

族十九世孫屠用錫康侯輯

六經堂者族十二世祖大理天生公所居也天生公
生明之季戊子翻城謀洩與楊文瓚楊文琦華夏王
家勤諸公同罹于禍時有五君子及五烈之稱公配
朱宜人殉節公子振趾與公赴義兵潰身亡忠孝節
義萃於一門追溯往事宜有紀述願書闕有聞譜牒
所載與諸家筆錄暨遺逸吟詠尙有存者摭拾一二
名曰六經堂遺事挂漏殊多覽者諒焉

六經堂遺事

一四朝叢書
紛國刊本

傳略

通諡烈愍諸臣兵部職方司主事屠獻宸鄞縣人寧波
破謀起兵事洩被執死之妻朱氏從殉見明史及通鑑

輯覽

勝朝殉
節錄

主事屠獻宸於本朝乾隆四十一年賜諡烈愍

大清一
統志

屠獻宸字天生餘姚孫嘉績起兵獻宸謁軍門嘉績奇
之畱佐其軍事授兵部主事江上潰歸里巡道中營陳
天寵仲謨者故在史可法麾下獻宸說之使華夏等各
招外兵來會而以二將兵爲內應及事洩獻宸變服與

其友董德欽走天台追及被執皆見殺德欽字若思亦

世家子也乾隆四十一年賜諡烈愍

乾隆鄞縣志列傳

屠獻宸初名懿忠字天生大山曾孫諸生

屠氏見聞錄用錫案宗

譜恩榮錄公由邑陳良謨未第時設教家塾獻宸常執

席生監國授恩貢經請業後聞甲申之變良謨殉節獻宸設位而哭周恤

其家

雙柏廬

南都亡獻宸西向蕭山探行省消息

案雙柏廬

遺聞余家去張冰榭尚書居不過數十武乙酉六月朔

日值贈司馬介庵公祭祀畢冰榭急過曰君等尚不知

耶南都已亡矣皆大哭駕部

即東裝往蕭山探行省消息

孫嘉績熊汝霖已舉兵獻宸杖策謁軍門嘉績汝霖奇

六經堂遺事

二四明叢書

之留參其軍事次日華夏等亦擁錢肅樂起兵于郵會

師江上肅樂執獻宸手慰勞之曰君可謂先平陰之役

而鳴者也獻宸募義從爲小營軍于瓜瀝之龍王堂前

尋授車駕主事已而江上潰

全祖望撰屠董二君子台狀

子孝來死

之筆錄獻宸歸里先是故尙書慈谿馮元飈兄弟門下

多奇士至是多在大帥幕中獻宸欲因其力以有所圖

客頗許之有海道中營遊擊將軍陳天寵仲謨者北人

也馮氏諸客瞰知其有異微說之天寵仲謨乃親詣獻

宸密室屏左右言曰吾二人故史閣部麾下也當江都

失守閩部垂死遺言屬我輩必無負明室吾二人敢忘之哉將有所待而爲之以報閩部也吾觀公非凡人且一切往來蹤跡吾亦稍覺之公若弗疑願效死力獻宸聞之大喜天寵等卽從衣領中出史閣部牒示之曰儻城下有警吾縛備兵使者以予公矣於是華夏頌乞師于翁洲內外合約以復浙東用少半祀史閣部於獻宸家陳仲二將預其盟合狀已而翁洲師期至遂合諸道師將大舉先一日謝三賓告變諸道兵皆爲官軍所截不得至祇翁洲師次城下陳仲二將秣馬猶思應之海道

六經堂遺事

三四明藏書
續閣刊本

孫枝秀登陴以望駭曰敵兵翹首望城上而不發矢望內應也卽調城守營兵分鎮諸門居民敢有出巷衢瞻眺者卽殺之二將不敢發翁洲師知有備遽去獻宸走天台枝秀遣人追執之戊子五月二日與華夏同死西市而陳仲二將者周旋獻宸於難中甚力論者賢之魯王贈獻宸大理寺丞續者舊傳國朝乾隆四十一年賜諡烈愍勝朝殉節諸臣錄獻宸兄鼎忠字禹銘乙酉閏六月偕獻宸在孫嘉績幕府魯王追敘其先世門蔭官以鎮撫獻宸殉節鼎忠杜門謝客續者舊傳時甬上遺民創結詩社皆欲

招之鼎忠曰身將隱焉用文敦槃之會非亡國大夫所宜也謝不往窮居二十四年而卒

謝氏見

從子孝穆字

世達獻宸臨死往收其屍解所服得衿與之曰爾頗有氣節以此相貽孝穆嘗對之流涕孝穆字世式女適孫嘉績子延齡後遭牽連之累有勸其應試以保全門戶者孝程答曰吾五世相韓之家也而應試季父之血將化碧矣聞者咋舌與孝穆相繼悒悒死

雙柏廬遺聞
光緒鄞縣志人

物傳

楊文瓚字贊玉崇禎己卯舉人與兄諸生文琦友貢生

六經堂遺事

四十四卷

餘屬刊本

華夏王家勤諸生屠獻宸並死難五人妻亦自縊以殉

時稱甬上五烈

萬斯同兩浙
明季忠義考

駕部諱獻宸字天生兵部侍郎大山之曾孫江南之亡

也天生西向蕭山探行省消息聞潞王降而歸道出姚

江則孫熊二公已舉兵天生杖策謁軍門二公奇之畱

參其軍事次日鄞人亦擁錢忠介公起兵會于江上忠

介執天生手慰勞之曰君可謂先平陰之役而鳴者也

天生募義從爲小營軍於瓜瀝之龍王堂前尋授車駕

主事已而江上潰角巾歸里先是故尙書慈水馮公鄴

仙兄弟門下多奇士至是多在北來諸帥幕中天生欲
因其力以有所圖客頗許之天生之居故侍郎第也有
海道中營游擊將軍陳天寵仲謀者北人也奪天生所
居之半居之馮氏密瞰知其有異微說之二人乃親詣
天生密室屏左右言曰吾二人故史閣部麾下也閣部
垂死屬我輩必無負明室敢忘之哉將隱忍有待以報
閣部也吾觀公非常人且一切來往蹤跡吾亦稍覺公
勿疑願效死力天生大喜卽從衣領中出閣部牒示天
生曰儻城下有警吾縛備兵使者予公矣於是華公過

本經堂遺事

五十四朝叢書

續編刊本

宜頻乞師于翁洲內外合約以復浙東用少牢祀史閣
部于天生家二將軍預其盟已而翁洲師期至遂合諸
道師將大舉天生以二將軍內應先一日故太僕謝氏
告變諸道兵皆爲大兵所阻不至祇翁洲師至城下陳
仲二將軍秣馬猶思應之海道孫枝秀登陴以望駭曰
敵兵翹首望城上而不發矢望內應也卽調城守營兵
分守諸門居民敢出衢巷瞻眺者卽擊殺之二將不敢
發翁洲知有備次日遽去天生與董公若思走天台枝
秀道人索追及執之戊子五月二日與華公過宜楊

公楚石四人同死于市而陳仲二將軍者周旋天生于難中甚力論者賢之監國還軍翁洲贈天生大理寺丞若思兵部郎中天生夫人朱氏賢而文其姥恐其殉也守之夫人好言如平日而潛賦絕命詞伺姥稍懈自經以死一子亦死于兵

甬上耆舊續集傳

屠獻宸字天生兵部侍郎大山之後南都初破獻宸西行探消息聞潞王既降而歸道出姚江則孫僉事嘉績方起兵獻宸謁軍門孫公奇之畱參其軍事及錢忠節至江上謂獻宸曰君乃先吾著鞭獻宸自募義旅爲小

本經堂遺事

六四明叢書

約圖刊本

營軍瓜歷之龍王堂前授車駕主事江上潰歸里里中故第爲巡道中營陳天寵仲謨二人奪居其半二人素與慈谿馮元魘有故馮使客微說之二人歎曰吾史閣部麾下也閣部且死屬我輩弗負國今不得已納降受官吾觀屠君非常人且一切往來蹤跡吾亦稍覘知之遂與馮氏客共入獻宸密室曰公弗疑有事以告我願效力卽從衣領中出閣部舊所授牒相示且曰吾不敢忘史公也獻宸大喜遂以語華董輩各招外兵來會而獻宸以二將兵應之及爲降臣所首當事密遣慈谿兵

扼大蘭蛟關兵搗管江姚江兵拒山東所招兵無一至者獨舟山海師至城下巡道登城察之曰賊仰望城上不發矢此必待內變卽別調城守營兵守諸門餘人有出衢巷者斬之二將不敢動獻宸變服與其友董德欽走天台追及被執受誅妻朱氏自裁德欽字若思世家子錢忠節赴越傾家輸餉某軍薦授推官不拜及聞翻城之謀請自任犒師盡斥其餘產以待事洩與獻宸同死里人以華夏楊文琦楊文瓚及獻宸家勤合稱五

君子

乾隆鄞縣志
蔣稿忠義傳

大梁遺事

七四明叢書

約園刊本

以上大理公事略

兵部職方司主事屠獻宸妻朱氏以夫起兵被執死朱亦殉之准入祀節孝祠

勝朝殉節
諸臣錄

烈婦張氏錢塘人適鄞縣舉人楊文瓚國變後文瓚與兄文琦友華夏屠獻宸俱坐死張紉鍼聯其首棺殮畢卽衣盛服題絕命詩徧拜族戚吞腦子不死以佩帶自縊而卒文琦妻亦自縊夏繼妻陸氏結帨于梁引頸就縊身肥重帨絕墜地復取帨結之而盡有司聞楊華三婦之縊遣丐婦四人至獻宸家防其妻朱氏甚嚴朱不

得聞陽爲歡笑以接之數日防者稍懈因謂之曰我將一浴汝儕可暫屏丐婦聽之遂闔戶自盡時稱甬上四

烈婦

明史甬上四烈婦傳

張氏錢塘人適鄞縣舉人楊文瓚明亡文瓚與兄文琦友華夏屠獻宸俱坐死張紉鍼聯文瓚首棺殮畢題絕命詩自縊死文琦妻沈氏夏繼妻陸氏皆自縊有司聞三婦死遣丐婦四人至獻宸家防其妻朱氏甚嚴朱陽爲歡笑以接之數日防者稍懈因謂之曰我將一浴汝儕可暫屏丐婦聽之遂闔戶自盡時稱甬上四烈婦

大清

六經堂遺事

八

四明叢書續編刊本

一統志甬上

四烈婦傳

張氏錢塘人適鄞縣楊文瓚文瓚與兄文琦友華夏屠獻宸俱坐死張紉鍼聯夫首棺殮畢卽衣盛服題絕命詩以佩帶自縊而死文琦妻沈氏亦自縊夏繼妻陸氏結悅于梁引頸就縊身肥重悅絕墮地旣復取悅結之而死有司聞楊華三婦之縊遣丐婦四人至獻宸家防其妻朱氏甚嚴朱不得聞陽爲歡笑以接之且時時誚三婦之徒自苦也數日防者稍懈因爲之曰我將一浴汝儕可暫屏丐婦聽之遂闔戶自盡

浙江通志甬上四烈婦傳

屠獻宸妻朱氏獻宸爲魯王駕部同楊文瓚文琦華夏
死國難楊華妻皆殉之有司防朱氏俱死遺婦人伴之
甚嚴朱不得聞陽爲歡笑且時謂三婦之徒自苦也數
日防者懈因謂之曰我將一浴汝儕可暫屏遂闔戶自
盡時與楊文瓚妻張氏文琦妻沈氏華夏妻陸氏稱甬
上四烈婦

乾隆鄞縣志烈女傳

朱氏名萬善屠獻宸妻賢而文

屠氏見聞錄

獻宸同楊文瓚

文琦華夏死國難楊華妻皆殉之

錢志

有司聞三婦之縊

遺婦四人防朱氏甚嚴朱不得聞陽爲歡笑以接之且

本經堂遺事

九國刊載卷九 續圖刊本

時時謂三婦之徒自苦也數日防者稍懈因謂之曰我

將一浴汝儕可暫屏婦聽之闔戶自盡

案全祖望屠黨合狀云其姥

恐朱氏之殉也守之好言如平日而潛賦絕命詞伺姥歸自經與明史互異

時與楊華妻稱

甬上四烈婦

明史列女傳尤緒鄞縣志

屠駕部獻宸妻朱氏賢而文其姥恐其殉也守之夫人

好言如平日而潛賦絕命詞自經以從一子亦死于兵

甬上耆舊續集傳

以上朱宜人事略

遺詩

喜陳仲二將軍豫盟

英雄事去歎身孤，邂逅將軍氣誼孚。
按劍虞淵終欲返，撫膺滄海未云枯。
銅駝荆棘丹心切，鼎社邱墟赤手扶。
閣部當年遺命在，報恩寧願碎頭顱。

獄中

今日知何日，圓扉繫此身。
淒涼狂魘語，慘淡野狐呻。
擊楫成虛夢，縛雞雜慨夙。
因血痕甘化碧，寧復畏災屯。
舊雨悲同歎，高談各自酸。
生辰憐我薄，天地爲誰寬。
淚盡難與楚，椎窮莫報韓。
空餘無限恨，拋撇委荒棺。

不韋遺事

十四朝談書

續圖刊本

右大理遺詩

非矜巾幗具，鬚眉大義當前不可虧。
自分甘從夫壻死，有何貪戀有何悲。
具一作有，自分一作去。

國殘家破萬遭迍，劍樹刀山盡集身。
阿姥見憐當以德，不須防守未亡人。
一作覆巢完卵，情安顧裂帛投繯，願所親又作覆巢之下無完卵，求活偷

生玷此身

右朱宜人絕命詞

遺聞用錫案族伯宗伊字莘農撰屠氏見聞錄有

陳恭潔良公未第時設教家塾，與余家祇隔一牆，爲部

兄弟嘗執經請業每抗論古今感懷時事輒作班超投筆終軍棄繻之想崇禎癸未恭潔北上拜送河干揮淚而別後聞甲申三月十九日之變恭潔殉節設位而哭又時時周卹其家

雙柏廬遺聞

宗伊案恭潔公居郡學側與儀部公覺園毘連

余家宅後去張冰榭尙書

煌言

居不過數十武乙酉六月

朔日值贈司馬介庵公暨陸淑人二代祭祀甫祭畢尙書急過曰君等尙不知耶南都已亡矣皆大哭駕部卽束裝往蕭山探行省消息是日余家罷享尙書年少於

本經堂遺事

十一冊明叢書

一初閣刊本

駕部而時與之講氣節究壬遁故後駕部殉節尙書哀輓有記探陰符天戈共挽之句指前事也

雙柏廬遺聞

家伊案忠烈公居郡學射圃旁

族祖葦翁先生

美開

國難後自以明室世臣不肯屈身集

親表巨室子弟爲棄繻社於是願入社者楊氏則太僕

美益玄孫

刻本作同謚曾孫誤今以謝山甬上耆舊續集正之

文琦文瓊屠氏則

侍郎大山曾孫獻宸董氏則侍郎光宏孫德欽翰林樾

曾孫劍鏗周氏則尙書應賓孫御天陸氏則副都御史

世科子字焯字燦李氏則尙書康先孫振幾振圮徐氏

則大理寺卿時進從子鳳垣施氏則都督僉事翰子邦

玠高氏則都御史斗樞子字泰吾家則族祖木千樟先

生暨曾王父兄弟大程皆豫焉而武進王忠烈公章子

之棊以忠烈曾知縣事故來僑寓亦願入社結崎亭集

天生之居故侍郎第有海道中營游擊將軍陳天寵仲

謨者北人也奪天生所居之半居之先是慈水馮公雷

仙兄弟元颺門下多奇士至是多在北來諸帥幕中天

生欲因其力以有所圖客頗許之暇知二將軍有異微

說之二將軍乃親詣天生密室屏左右言曰吾二人故

六經叢書

十二四明叢書

史閣部可法麾下也閣部垂死囑我輩無負明室敢忘之

哉將隱忍有侍以報閣部也吾觀公非常人且一切來

往蹤跡吾亦稍覺公勿疑願效死力天生大喜即將衣

領中出閣部牒示天生曰儻城下有警吾縛備兵使者

予公矣於是華公過宜夏頻乞師於翁洲內外合約以

復浙東用少牢祀史閣部於天生家二將軍豫其盟結

亭集甬上
耆舊續集

江南之亡也天生西向探行省消息聞路王降而歸道

出姚江則孫嘉熊二公已舉兵天生杖策謁軍門二

公奇之爾參其軍事次日鄞人亦擁錢忠介公肅起兵

會於江上忠介執天生手慰勞之曰君可謂先平陰之

役而鳴者也鮑琦亭集前上者舊續集

姚江孫氏爲響纓望族慈水馮氏爲東林領袖皆海內

所推而閣部嘉績父刑部郎中應本寧州公暨閣部子戶

部尙書廷齡烈愍公姪世式公嶧津撫元颺子行人愷章烈愍公姪世奉

公皆吾家快婿兩家多奇士故駕部始同孫氏舉兵繼

欲因馮氏啓之力有所圖也雙柏廬遺聞

直指問曰吾聞屠爲謀主房子大可藏奸曰屠固世家

六經堂遺事

十三四明叢書

薄宦裔耳明時會文其所今廢久矣華檢討良對簿錄

五君子之禍屠公獻宸董公德欽皆謂降臣宜加防範

華職方夏不能盡用其言以致事洩囚中頗相咎及對

簿屠董二公謀養身以爲後圖而職方又不以爲然遂

微有參辰然華志節剛勁而機事稍疏屠董智計深密

而形迹反似乎畏死者其心實未嘗乖也卒之屠董與

華同死可以釋睚陽張許之疑全太史祖筆句餘上音

天生若思董德欽臨刑過宜華欣然謂曰吾與二兄當共

成長虹矣鮑琦亭集

駕部於順治戊子五月二日與華吉甫檢討夏楊縈仲

推官文琦董若思郎中德欽共死於譙樓下時先曾王父世

達公以仲子往收屍駕部解身上所服海青與之曰爾

頗有氣節以此相貽望日後讀書繼志勿墮家聲也從

容赴義如此雙柏廬遺聞

翻城之役議分道集兵華氏夏主中甄而屠駕部以內

應之兵佐之馮氏京主西甄而李侍郎長以東山之察

相援楊氏兄弟文琦主西南甄則大蘭之師也王評事

家家主東南甄得死士三千餘人甬上酋舊績集

六續家遺事 十四朝綱目 續國朝本

其夾瓜漚左右而營者故錦衣徐公啓齊侍御錢公肅

圖之支軍夾龍王堂左右而營者故太常林公時對駕

部屠公獻宸及南雷黃氏宗羲之支軍其湖山之小營

侍御餘姚長官王公正中之軍盛嶺之小營侍御慈谿

長官王公玉藻之軍此皆六家軍之麾下也鮑琦亭集

江北屠氏吏部尙書諡襄惠漕左都御史諡簡肅僑兵

部侍郎大山禮部主事陸辰州知府本峻殉難職方主

事獻宸共六望全謝山甬上族望表

遺蹟

六經堂 大理烈愍公所居

宗譜遺蹟錄

用錫崇六經堂在縣治西北鑿橋東竹墟公遺宅

之內

兵部烈愍公獻宸墓

葬老界鄉陶家河東

乾隆鄞縣志

北門文昌閣鄉賢祠

屠獻宸

宗譜恩榮錄

鄞縣學前旌忠祠

屠獻宸

宗譜恩榮錄

用錫崇公於清乾隆四十一年正月奉旨賜諡烈

愍准入忠義祠嗣與公兄鼎忠同祀旌忠祠今旌

忠祠雖廢吾甬人方請恢復爲民族光而未得也

六經堂遺事

十五四明叢書

約圖刊本

爲之慨然

贈詩

追輓屠天生

張煌言

雉壇曾記探陰符其挽天戈泣血呼我似魯連還抗節
君爲翟義竟捐軀旌頭應避祁連豕七首空藏督亢圖
歸去延陵須掛劍只愁零落是樵樸

哀故兵部主事屠公獻宸

李鄴嗣

秉心儼獨堅一往豈酌勢投鑊不知炎洪濤將攪揭直
欲撼爪牙忘其能攫噬乃識忠信人成敗非逆計吁嗟

屠樞曹身本司馬系四世承國恩憤激每灑涕自參姚
水軍捐軀已夙誓流離重矢天當餐不嘗臚千金散市
兒剖腹亦蠻隸遂得招北軍翻然願執銳噬臂密相期
義感非游說予時登其堂慷慨曾互締主敵已有人儒
生亦裹爛帛書聯久遠旦夕若有濟誰能測皇天大運
別有昇禍起每垂成操刀終自殪城郭走黃沙悲風聞
切切薦紳各掩門路人被沾淚毅死公不懲夜臺應目
皆誰取孤臣心白日鐫墓碣

五月二日諸君子難日延僧施食 李鄴嗣

六經遺事

十六四明叢書

約園刊本

法螺動春浮諸天奔走急老僧列梵筵懺咒異宿習特
召爾毅魂竦劍此宵集惟恐雜魍神杵不使入肅肅
諸公齊瓶漿酌空溼妙諦了幽明虹吐亦暫蟄遙望十
六陵更灑金鐙泣斷首諸國殤餘味欲徧及香食出檀
林固非茲土粒施畢凜送迎森然吹骨立

華吉甫楊楚石屠天生董若思四義五月二日已
時就刑是日午時當食聞變咽不得下投箸走

筆書此

徐振奇

乾坤慘澹風日悲曠孤憤於邑傷我懷人胡昊穹兮降

屯俾猱獠之齷齪既欺我君父并殄滅其貞臣貞臣兮
子衿之死彌忒兮此心觀者雷吼兮死者沈沈壯士名
成兮遺恨深平生未了兮望來今

高郎隘夫以泗水鼎樂府見示問之知爲默農輩

作也各以絕句一首系之 第一首哀天生

全大程

聞道剗羊祭少師將軍割臂誓天時尾箕靈爽空千丈

竟不先期殪叛兒

謂陳仲二將軍祭史少師於屠
天生家以乞靈也叛兒指逆紳

弔華王屠董二楊六君子 董隆吉

六經堂遺事

十七四明叢書
納園刊本

逆鷓鴣逐老梟飛鴞鐵偏從義士圍涕淚宋陵時已盡
頭顱柴市去如歸請衣報國天應晦留篋遺人道未違
藏史南山何日出敢望之子配瓊妃

卽事爲戊子五君子作 全吾騏

千古興亡事三生忠佞因四明雖僻壤累葉有貞臣爲
恨鴟鵂毒來屠猿鶴頻荒洋空駐宋大里莫逃秦告密
紛紜至刊章次第陳虞潭功不就李侑恨難伸蹈海傷
皇甫埋名羨子眞袁鏞先授首孫邵早投綸羈幕徧郊
野增波染市闐青櫛都瓌魄赤堇亦傷神板蕩天何醉

飄零我不辰城南堆黑障江北徧青燐土室方延首重
城正拂塵偷生同苑結感事倍酸辛牡蠣灘頭夢金龍
背上輪天心如可問上念子遺民

題勝朝殉節諸臣錄詩

清高宗

信史由來貴輝彰勝朝殉節與羶薊五常萬古旣云樹

潛德幽光允賴揚等度早傳邈及宋

宋李若水從欽宗至金營不屈而死

金人相與言曰遼國之亡死義者十致南朝惟李侍郎一人

後先直邁漢和唐諸臣

泉壤廬相慶捨死初心久仍償

誓復仇薤露詞

屠董二君子辨証

全祖望

六經遺事

十八四明叢書

一約園刊本

五君子之禍屠公獻宸董公德欽皆以降臣宜
加防範華職方不能盡用其言以致事洩囚中
頗相咎及對簿屠董二公謀養身以爲後圖而
職方又不以爲然遂微有參辰然華志節剛勁
而機事稍疏屠董智計深密而形跡反似乎畏
死者卒之屠董與華同死可以釋睚陽張許之

疑

中丞眞男兒南八豈愛生良思爲後圖卽以報良朋不
用蒯徹言一蹶莫可拯救取虞淵志未肯投沈冥漸離

誓復仇舍垢登秦庭如何金石交不諒吾丹誠烏頭詎
能白馬角詎能生至今拌一死卽以報良朋同君白首
歸一笑褰裳行

鄧北雜詩

袁鈞

駕部曾分瓜瀝營華楊董氏共捐生一門全節從妻子

况復遺民有阿兄

屠駕部獻宸同錢忠介起事軍于瓜
瀝之龍王堂前事洩與華檢討夏楊

推官文琦董推官德敷同日就戮妻朱氏自經一子
死于去見肅忠嘗官經撫至是杜門謝客窮愁以終

用錫案鄧山雜詩載光緒鄧縣志共五十首此首

係詠天生公故節錄之

六經堂遺事

九四明叢書
約園刊本

六經堂

從孫繼序

用錫案此詩詠先世古蹟作也

不負詩書學能全節烈身瑰琦懷遠略齷齪笑陳人翟
義心同激魯連意獨真他年青史在底事見悲辛

敬題先烈愍公遺像

從孫繼序

生負讀書養氣優一心夢寐爲神州祖生擊柝中流誓
翟義捐軀夙願酬奕世華鬻難報國盟天白馬不回頭
丹青似解忠良意寫出鬚眉滿肚愁

同時殉義有華夏楊文泣血椎心各慨慷生慕包胥能

復楚死留精衛欲填滄離鴻哀調酸難讀

配朱宜人
有絕句詞紫

燕輕衫暗自傷

公臨難時脫所服海青
碧余高祖云以此稱汝

東浙山川多烈

士芳名海關與天長

戊申五月七日爲先烈愍公懸旌忠二字匾額于

堂上以誌恩榮敬賦二律

從孫繼序

聖恩浩蕩大如春錫典遙頒泉下人碧血久埋蒼薛古
綠叩重樹白碑新稽淵抱愧齊朝祿哀榮流芳宋室臣
麥秀黍離成往事遙憐洛邑有頑民

旌忠匾額懸華堂閭里爭傳第宅光世事百年悲泡影

六經堂遺事

二十四明叢書

約園刊本

孤臣一往柱滄桑名留史冊原無憾寵出天朝更有香
此日泉臺悲感切蕭蕭風影動垂楊

天生元配投纒殉夫臨終有詩

張煌言

碧血流乾滄海塵深閨誰是未亡人曾聞脫珥都忘緯
豈惜磨笄並化燐荀女當慙珠未碎明妃莫怨玉難春
臨危猶作離鴻調字字遺丹在縞巾

屠兵部妻朱氏

董守諭

生女願如鼠誰當幹母蠱凜凜義烈閉惟恐不爲虎天
生偶楊華奮身膏襍斧遺木稱未亡號泣頭顱下宗親

無心知徒以好言撫原寬須臾死隱忍計門戶況復骨肉疏束約拘官府孺人黯自傷婉言辭丐姥入門無人警絕命于尺組獨往慰君魂修名光烈祖嗟彼二姓人至今冷齒齟巾幗誕偉男風規豈少補

莫曉曉薤露詞

居烈婦辭姥

全祖望

屠夫人早辦從死爲乳姥守之不得聞夫人乃婉辭謝之若將不死者是夕姥暫離夫人死之姥愛我當以德莫曉曉出姑息昔郎揮千金恩邀降將力一擲旣不中填溝非所惜降將亦欲獻旌旄變顏色而况妾伉儷偷生安可得姥愛我莫姑息請暫歸度今夕詰朝姥來庭寢門聞哭聲

六經堂遺事

十一

四明叢書
終編刊本

吉甫瑤仲天生贊玉授命之後其閨人相繼縊頸義不受辱須眉丈夫所難也爲賦四烈婦詩

高斗樞

丈夫方利見志氣何崢嶸聳鞍彎玉弩揮劍壯金城皇輿一以零悵悅失所憑改服干非類華旒覲爲榮偉哉我良友百折矢孤誠扶義驅匪茹屯靈遂捐生捐生慘未已譟聞愁孤螢洵美楊少媛婉嫗多姁聲憑尸纒一

慟之死百無繁盟櫛施衫襦靚妝佩華璫再拜辭尊嬭
遺誥申天經含笑引絳羅芳魂倏沈冥少媛旣云徂長
媛亦繼傾昆弟稱二難姊妯允雙貞更有華與屠同聲
戟相饗手杵長腰米進之老姑庭託孤于密友下宮寂
不驚淚向高天灑魂從子夜征晨扉迴不啓泉臺一笑
迎唐孺人以
夜分經此數巾幘足愧諸冠纓豈惜守空閨所
恥履荒廷一死大誼畢遑知身後名哀哉因羈辱同仇
有素盟不死如有圖虛生竟何成撫膺懷百疚涕淚浩
縱橫

六經堂遺事

王四明叢書

約刻本

祭祀

族祭九世祖竹墟府君十二世祖天生府君文

從孫繼序

正直立朝不屑權奸之媚激昂舉義惟圖廟社之存旣
克善其貽謀亦無慙乎繩武緬維世廟繼墓分宜寶豺
狼之當道亦越魯藩監國方王類燕雀之處堂見君寵
之甚專誰敢少違其怒知天心之已去孰肯徒盡其忠
而乃絕賄賂之行失歡要路整戎兵而往冀復舊疆輕
遭虎口幾難保其餘生得附龍髯遂甘拌夫一死此三

司馬之閒所以名高張范而五君子之列得以美比華
楊者也邈時論定歷久迹彰昭亮節勝朝恩許以復官
鑒孤忠清代榮邀夫賜諡於是枌榆景仰史冊流傳允
不愧四明之望族莫不推喬木之故家矣某等感深霜
露念切本原追維二祖之同揆久擬一朝以合祭豈意
主政公駟箕之日正逢司馬公降嶽之辰爰集宗人恭
修祀典特懸遺像徹展孝思嗚呼得罪原甘詎知罷職
歸田竟獲陶家之報德殺身何悔祇識舍生取義違思
謝氏之尋讎祖德宗功並昭垂乎孫子前輝後映宜永

本經堂遺事

三十四明敬書

符園刊本

享乎烝嘗敬奉十三世叔祖考明殉節恩貢生振趾府
君耐食尚饗

公祭會弁言

二十世孫彞

維我歷祖代著偉奇或以政績顯或以文藝名而以節
烈著者則有十二世叔祖天生公焉公爲少司馬竹墟
公之曾孫辰州太守漢陂公之孫寧州同知二水公之
季子世受國恩公生丁叔世清兵入關明社爲墟當南
都失守公卽西向行省探消息聞潞王降而返道出姚
江與熊相國孫尚書同舉義旗會師江上錢忠介執公

手而慰之曰君可謂先平陰之役而鳴者也是吾寧人之起義公實首舉焉乃天不祚明卒以身殉當時惕於威焰負屍草葬僅覆抔土公之後裔因毀家紓難亦遭中落未修祀事迨清高宗純皇帝追念前烈賜旌表從曾叔祖覺園公重修公墓祇立一橫碑而祀典仍付闕如也民國九年杭甬鐵路工程處擬推廣軌道建築貨棧將公墓劃入路線忠魂烈骨行將摧殘闔族聞之驚惶失措公開大會推定族叔康侯族姪友杏倬雲時遜爲請求代表而葵亦與其列奔走呼號函電交馳得

六經堂遺事

三西廂棚設書
物圖考本

邀部令照保存古墓例飭路局設法繞避宗老語葵曰公墓已得保存矣一抔之土既不足以慰忠魂亦何足以彰觀瞻汝其圖之又語葵曰公之忠義昭示千秋殉難之期理應追悼汝其舉之葵奉命不敢懈亟爲公墓設立祭壇復於墓前建樹石坊而以旌忠堂額列示後世繼乃籌集經費釐訂條程自辛酉歲五月二日爲公殉難之期始開會追悼邀集族人公祭之祭位設於六經堂因公之遺宅也與祭者首及宗房長暨各房幹事俾闔族皆得瞻公之儀容也年司祭事之任歸諸義壯

事有專司也禮經曰有其舉之莫敢廢願後世子孫遵
行勿替而葬於表彰之責始克告慰焉爰書其事之顛
末於簡端民國十年夏正辛酉歲五月

公祭會後序

二十二世族孫志恆

烏摩青天乃缺孰追媧后之功碧血不枯莫雪精禽之
憤積千秋之遺恨匪劍將飛鳴兩閒之不平泥塑亦泣
心灰不死捐頭腦而猶甘與火常燒灑血淚而欲竭古
來義憤所激一往無前裂金石之心作頑懦之氣如吾
十二世叔祖主政公者永可悲矣惟公簪纓舊族文獻

木經堂遺事

三五四明叢書

幼園刊本

世家慕班超之投筆景終軍之請纓仗策謁軍門血眸
欲裂翻城圖內應俠氣如生勵身世于滄桑幹乾坤之
板蕩卒至譙樓風雨恥爲于禁之囚海道網羅終成常
山之節而叔祖妣朱宜人淑德睢鳩詒謀翼燕陡聞奇
變誓不欲生大丈夫殺身成仁賢內助椎心泣血覆巢
完卵絕命詩字字嘔心裂帛投繯未亡人絲絲搵淚始
則負屍而歸正寢繼則刎首而殉義夫縱防範之繁嚴
陽爲歡笑卒見危而授命早有死心大義當前甘從夫
壻于泉下克昌厥後試看今日之域中十三世叔祖振

趾公痛翻城之役哭父則搶地呼天死姚江之兵追母
而舍生取義節義萃于一門忠孝傳之百世今日者蛇
豕噴張屢煽甘溟之饑鯨鯢跋扈莫澄碧海之波敗羊
皮繭紙之盟窺界碣而思啓素馬絹銀繒之賦填谿壑
而不盈聞警報則志士拊膺演和議而壯夫奪氣誠得
如我叔祖者力圖恢復志決尋仇卽令踏平甌脫難抵
黃龍懾服強胡未修白雉而山河兩界知漢將之皆飛
風雨二陵豈秦師之敢逞不亦使黠虜寒心狡夷斂迹
也哉惜乎九京不作莫甦義士之魂百代流聞空揮恨

六經堂遺事

三四明叢書

新刊本

夫之淚往事已矣來日大難願子孫世世居故里心仰
精忠庶祭祀年年于此日其陳俎豆是爲序

公祭會祭文

二十二世孫志恆

列鼎鳴鐘誰識易代衣冠之恥攀龍附鳳疇興故宮禾
黍之悲惟公挾策從軍欲挽天心之已去毀家紓難但
知大義之當爲此募卒編小營執爨作錢張之先導翻
城圖內應祭齋娶陳仲以同盟所謂奮不顧身誓必報
國者也豈意舊巢盡覆半壁終危一敗於江上之潰師
再敗於謝氏之告變卒至遭海道網羅鐵索寒孤忠之

膽聽譙樓風雨青衫留碧血之痕甘死答君恩洵不愧
三大人之後喪元稱志士實無慙五君子之名宜乎粉
榆景仰視王頭馮臂以同欽典冊流傳追武穆文山而
並壽矣某等食先人之舊德守喬木之故家恭遇殉難
之期特開追悼之會懸遺像於堂率子孫而羅拜獻清
酌之酒撫事跡以陳詞想今日漢族重光尊夏攘夷得
慰英魂於冥漠願此後祖靈永安愾聞優見來歆公祭
之烝嘗敬奉十三世叔祖考明殉節恩賁生振趾府君
耐食尙饗

六經堂遺事附錄

世系

一世 二世 三世 四世 五世

季 宗一

字邦彥自
無錫徙蘇
始祖娶周
氏葬老界
鄉胡家橋
之原

宗一

諱慶字維
善號靜齋
娶鍾氏葬
父塋側

福一

福二

六經堂遺事附錄

福三

字天佑號
隱真娶朱
氏葬祖塋
側

德源

剛福一居
桂林

德慶

嗣福二居
北平

德瑞

居縣之江
東買席橋

德興

德祥

子浩

四明叢書
續編刊本

諱順安周
氏葬馬郎
河北之原

子華

子良

子眞

字士玄
號陳
草堂
氏葬老界
鄉上字河
西北之原

本經家遺事附錄

二
四明叢書
續圖刊本

子雲

子卓

六世

瑜

字廷彩號
松窗晚年
遷居縣西
北祝都橋
年八十有
九明弘治
諭祭二壇
教葬老界

七世

湘

清

號丹山諡
義惠

澗

八世

九世

十世

傳

大山

本峻

鄉陶家河
東北之原
妻徐氏年
八十月二
諭祭一壇
奉敕台葬

字朝周號
介庵憲宗
朝以恩貢
例授宣義
郎七品散
官遷居郡
學東甘溪
潭卽今六
經堂娶楊
氏葬上字
河西北祖
塋後

字明卿號
慕庵廩膳
生娶王氏
續娶陳氏
子歸八月
公卒斷指
矢誓守節
五十餘年
葬上字河
北父塋左
側

字國望號
竹焯嘉靖
癸未進士
累官兵部
右侍郎兼
都察院右
僉都御史
總督湖廣
川貴三省
軍務致仕
娶陸氏贈
淑人葬老
界鄉葉家
敦之原墓
入防護錄
祀鄉賢祠
湖廣辰州
府建有專

字紹臨一
字田叔號
漢波由官
生歷官尚
廣辰州府
知府致仕
娶黃氏葬
老界鄉沃
家河旁著
有尚書別
解情采編
毛詩鄭箋
詩言五至
諸書計七
十餘種都
二百五十
卷湖廣辰
州府於屬

六經堂遺事附錄

三編 明 書

十一世

惟霖

字陽說一
字公雨號

二水由序
生人太學

歷官陝西
寧州同知

娶周氏葬
父塋陶家

十二世

蓋忠

孝則

十三世

孝胤

候

十四世

祠善行司
馬集竹墟
集及詩集
二卷竹墟
竹溪近稿
各一卷

十五世

公祠後建
生祠祀之
許辰州田
成龍撰世
續堂記

十一世

惟霖

字陽說一
字公雨號

二水由序
生人太學

歷官陝西
寧州同知

娶周氏葬
父塋陶家

十二世

蓋忠

孝則

十三世

孝胤

候

十四世

祠善行司
馬集竹墟
集及詩集
二卷竹墟
竹溪近稿
各一卷

十五世

公祠後建
生祠祀之
許辰州田
成龍撰世
續堂記

亮忠

孝穆

有日省錄
一卷三修
家乘十二
卷

字世達天
生公殉國
難負屍歸
六經堂正
寢

孝程

鼎忠

孝則兼承

字明九號
禹銘由岸
生與弟獻
宸同參孫
嘉績幕府
授都督禁

大經堂遺事附錄

四西明叢書
一經園刊本

旅鎮副獻
宸殉節杜
門謝客窮
愁以卒娶
周氏葬亭
亭墳右側
著辭詞三
十兩并自
為序詳續
甬上舊舊
集屠氏宗
譜

懿忠

孝麟

字世瑞號
振趾恩賈
生殉國難
事蹟詳續

諱獻宸字
明初號天
生殉國難
配朱氏殉

節見明史
兩上四烈
婦傳及縣
志傳

兩上耆舊
集春雨樓
集屠氏宗
譜無嗣

之龍 出亡

孝宗
字調公
景行
字道民

之鳳 出亡

孝來
字兆熊未
娶

之蛟
字起躬

十六世
十七世
十八世
十九世

太經堂遺事附錄

五四明叢書
約園刊本

可元
繼繩
宗德

繼模

繼訓
宗飛
用賓

可亨
繼烈
宗飛 兼承

用霖
聚規
用臧
字曼源

用錫案十二世叔祖獻宸公譜名懿忠字明初號天

生行貞七十三先世居汴之尉氏縣敦仁里避金亂
隨宋高宗南遷至開慶開始祖邦彥公自無錫徙居
明州甬江桃花渡之北六世祖明封太子太保吏部
尚書松窗公瑜遷縣治西北一里許祝都橋七世叔
祖介庵公卜居縣治郡學東甘溪潭號六經堂世居
于是公會祖竹墟公大山祖田叔公本峻父二水公
惟霖公由郡庠生補恩貢授兵部職方司主事生萬
曆三十四年丙午八月二十二日申時清順治五年
戊子五月初二日巳時殉於郡之譙樓事聞監國贈

六經堂墓事附錄

六四明叢書
約園刊本

大理寺左寺丞進階奉政大夫年四十有二清乾隆
四十一年追諡烈愍入祀忠義祠娶朱氏諱萬善都
司介之孫女封孺人加贈宜人公就難時從子世達
公孝穆負屍歸安於正寢宜人吮血紉首棺殮畢將
殉防不得閒逾月防懈自經殉節入祀節孝祠生萬
曆三十五年丁未二月十四日清順治五年戊子六
月二十三日殉節年四十有二合葬江北老界鄉葉
家墩陶家河東竹墟公墳後莊墓中全祖望撰傳及
狀墓入防護錄子三孝麟字振趾恩貢生死國難於

姚江無嗣孝宗孝來次室陸氏出孝來無嗣孝宗子
景行

六經堂遺事附錄

七
四明叢書
續編刊本

六經堂遺事附錄

吾鄞自陳忠貞公甲申殉國而後丙戌畫江之役錢忠
介公舉義旅分汛瓜滙與孫熊章沈諸公稱六家軍張
蒼水公首迎魯王建國江干翻城一役五君子奮不顧
身四明一片土忠義之氣甲於寰宇嗚呼盛矣先十二
世叔祖明親部天生公爲少司馬竹墟公之孫私淑忠
貞畫江翼主同參機宜翻城內應並塗肝腦抗節之奇
死事之烈三百年來猶凜凜有生氣焉用錫少時讀書
古娑蘿館右爲忠貞公祠左之六經堂卽駕部公故居
嘗聞先人言忠貞殉節公卽就此設位而哭與陳仲二

六經堂遺事

一國朝叢書
續編刊本

將軍盟卽於此以少牢祀史閣部及公畢命譙樓從子
孝穆公負屍歸朱宜人又於此吮血紉首返文山之骨
收國子之元則斯堂也卽與公千古可也自明而清公
之子孫每於五月一日祀少司馬而以公配曰輝映社
鼎革而後河山生色日月重光丹心碧血含笑九原於
是諸宗老創設公祭會登堂拜獻以誌舊蹟並以募入
防護錄得援保存古蹟例永久保守俾世世與祭宗人
其負其責茲以張君詠霓刊刻四明叢書詢公遺籍昭
穆絲遠著述隨國難而消滅雖置千金求一編而不可

得僅於家集得詩數首吉光片羽固徵文考獻者所不能
忽然置也爰並公之事蹟彙爲一編顏曰六經堂遺
事而以公之遺像墓圖謝山合狀冠首並附世系因書
數語俾後人有所考焉共和建國二十二年七月十九
世孫用錫謹識

六經堂者屠竹墟少司馬之祖介庵先生之所築在甘
溪潭天生先生讀書處也壽鏞少嘗會文屠氏家與斯

會者若陳季衡

夏時

范仰喬

方賀逸仙

紹

未與斯會而心

折其詩文者若毛价臣

宗

盧復青

復

今皆作古人矣康

侯年少於壽鏞而最好客故一時文人皆集然所謂六

經堂者與古娑羅館一西一東瞻仰斯堂徒聞父老傳

述壽鏞既以四女月梅妻伯系伯系名潤規爲康侯長

子出嗣於其從兄用鏞以是與康侯過從益密不幸伯

系由德國留學歸甫三年而亡四女守節撫子壽鏞方

六經堂遺事

一四明叢書

約閣刊本

刊四明叢書卽命四女錄其家乘凡天生先生遺蹟可

考及贈弔詩皆手鈔焉得之大喜蓋時方校過宜言讀

謝山誓復仇薤露詞謂華志節剛勁而機事稍疏屠董

智計深密而形跡反似乎畏死者卒之屠董與華同死

可以釋睚陽張許之疑是刻過宜言尤不可不刻天生

先生文集今文集雖不可得而康侯錄其遺詩述其遺

事凡四女手鈔者均爲編入向之大喜者今更大快爰

付諸梓然因之而念及故人思及亡壻又不能不悵然

也癸酉冬張壽鏞跋

四明叢書

四明叢書
約園刊本

四明叢書

四明叢書
約園刊本

四明叢書

四明叢書
約圖刊本